

i FLETUDHËZUES I PAKETIMIT:
Informacion për përdoruesin

ALKOOL BORIK

Tretësirë me pika për vesh – 2.5%
(Acid borik)

Lexojeni me kujdes këtë fletudhëzues përpara se të filloni përdorimin e barit.

- Ruajeni këtë fletudhëzues. Mund të keni nevojë ta lexoni përsëri.
- Në qoftë se keni pyetje të mëtejshme, pyesni mjekun ose farmacistin tuaj.
- Ky bar është përshkruar për ju. Mos e jepni tek persona të tjerë. Mund t'i dëmtojë ata edhe pse mund të kenë të njëjtat simptoma si ju.
- Në qoftë se ndonjë prej efekteve anësore përkeqësohet ose në qoftë se vëreni ndonjë efekt tjetër anësor, që nuk përmendet në këtë fletudhëzues, ju lutemi të njoftoni mjekun ose farmacistin tuaj.

Në këtë fletudhëzues:

1. Çfarë është Alkool borik dhe përse përdoret
2. Përpara se të përdorni Alkool borik
3. Si ta përdorni Alkool borik
4. Efekte anësore të mundshme
5. Si ta ruani Alkool borik
6. Informacion i mëtejshëm

1. ÇFARË ËSHTË ALKOOL BORIK DHE PËRSE PËRDORET

Alkool borik përmban lëndën aktive acid borik. Acidi borik ka veti bakteriostatike dhe fungistatike të dobëta. Tretësira e tij alkoolike (në alkool të holluar) ka efekt analgjezik në otalgjitë. Acidi borik depërton me vështirësi në lëkurën e padëmtuar.

Tretësira me pika për vesh Alkool borik përdoret si më poshtë:

Analgjezik dhe antiseptik në otalgjitë.
Mjeku juaj mund ta ketë dhënë Alkool borik për një qëllim tjetër. Pyesni mjekun tuaj në qoftë se doni të dini pse ju është dhënë Alkool borik.

2. PËRPARA SE TË PËRDORNI ALKOOL BORIK

Mos përdorni Alkool borik në qoftë se:

- keni mbindjeshmëri ndaj acidit borik dhe lëndëve ndihmëse të këtij bari;
- keni perforacion të timpanit, otit të mesëm kronik, otit të mesëm purulent.

Në qoftë se mendoni se keni ndonjë nga gjendjet e përmendura më sipër, mos përdorni Alkool borik, fillimisht shkoni dhe konsultohuni me mjekun ose farmacistin tuaj dhe ndiqni këshillat e dhëna.

Tregoni kujdes të veçantë me Alkool borik

Për të mënjeluar acarimin e labirintit vestibular i cili shkakton ndjesinë e marramendjes, këshillohet që tretësira para përdorimit të ngrohet pak, me qëllim që të marrë temperaturën e trupit.

Marrja e barnave të tjera

Njoftoni mjekun ose farmacistin tuaj në qoftë se jeni duke marrë / përdorur ose keni marrë / përdorur së fundmi barna të tjera, edhe ato pa recetë. Këto barna mund të ndikohen nga Alkool borik ose mund të ndikojnë në mënyrën se si ai vepron, ndaj në përdorimin e njëkohshëm të tyre mund të lindë nevoja të zvogëlohet ose të rritet sasia e Alkool borik. Mjeku ose farmacisti juaj do t'ju këshillojë.

Shtatzënia dhe ushqyerja me gji

Nuk ka të dhëna për shfaqjen e efekteve anësore nga përdorimi i Alkool borik gjatë shtatzënisë dhe ushqyerjes me gji.

Drejtimi i automjetit dhe përdorimi i makinerive

Nuk ka të dhëna për shfaqjen e efekteve anësore nga përdorimi i Alkool borik gjatë drejtimit të automjetit dhe përdorimit të makinerive.

3. SI TA PËRDORNI ALKOOL BORIK

Gjithmonë përdoreni Alkool borik sipas këshillës së mjekut ose farmacistit. Në qoftë se nuk jeni i sigurt, kontaktoni me mjekun ose farmacistin. Në qoftë se ndjeni që efektet e Alkool borik janë shumë të forta ose shumë të dobëta, flisni me mjekun ose farmacistin tuaj. Rekomandohet që pikat Alkool borik të hidhen në pozicionin shtrirë në një anë. Në veshin e sëmurë pikohen disa pika tretësirë (2 – 5 pika) dhe në vesh vihet një tampon pambuku. Pas 1 – 2 orësh, pikimi i tretësirës mund të përsëritet dhe vazhdohet kështu derisa dhimbja të pushojë.

Pyesni mjekun ose farmacistin tuaj për këshillë në qoftë se nuk jeni i sigurt për kohëzgjatjen e trajtimit.

Në qoftë se keni përdorur më shumë Alkool borik

Në qoftë se keni përdorur më shumë Alkool borik se sasia që duhet të përdornit, ose në qoftë se fëmijët e kanë marrë gabimisht këtë bar, ju lutemi të kontaktoni mjekun tuaj, spitalin, ose të telefononi urgjencën për të marrë një mendim për rrezikun dhe këshillë për veprimet që duhet të ndërmerren.

Në qoftë se harroni të përdorni Alkool borik

Në qoftë se harroni të përdorni një dozë, përdorni dozën pasardhëse kur të jetë koha për përdorimin e zakonshëm të saj.
Mos përdorni një dozë të dyfishtë për të plotësuar dozën e harruar.
Në qoftë se keni pyetje të mëtejshme mbi përdorimin e këtij bari, pyesni mjekun ose farmacistin tuaj.

4. EFEKTE ANËSORE TË MUNDSHME

Nuk janë konstatuar efekte të padëshirueshme.
Në qoftë se vëreni efekte anësore që nuk janë të përmendura në këtë fletudhëzues, ju lutemi të njoftoni mjekun ose farmacistin tuaj.

5. SI TA RUANI ALKOOL BORIK

Mbajeni larg fëmijëve!
Ruajeni në temperaturë më të ulët se 25°C!
Shikoni afatin e përdorimit në paketim përpara përdorimit!
Mbrojeni barin nga drita.

6. INFORMACION I MËTEJSHËM

Çfarë përmban Alkool borik
Lënda aktive është acidi borik.
1 ml tretësirë me pika përmban 25 mg acid borik.
Lëndët ndihmëse janë ujë i pastruar dhe alkool etilik.

Përmbajtja e paketimit
Kuti kartoni me 1 flakon pikatore 10 ml.

Mbajtësi i Autorizimit për Tregtim dhe Prodhuesi:

 **PROFARMA** sh.a.,
Rruga "Skënder Vila",
Tiranë, Shqipëri.
Tel.: +355 4 23 89 602

Ky fletudhëzues u rishikua për herë të fundit në Janar 2024

 SPECIFICATION

 CROPING AREA 12 x 19 cm

PAY ATTENTION, all the layers are visible. If you have to print this document please check or uncheck the specific layers.